



Claudii Fleurii Abbatis Historia Ecclesiastica

Ab anno Christi 1606. usque ad annum 1610

Fleury, Claude

August. Vind. [u.a.], 1776

VD18 90118820

§. 45. Jesuitæ ex Gedanensi & Torruensi templis ejecti.

[urn:nbn:de:hbz:466:1-67222](https://nbn-resolving.de/urn:nbn:de:hbz:466:1-67222)

Sæc. XVH. tum est, quod Clerici ex Seminario in sup.
 A. C. 1606. plicationibus primi ante Clerum sacerdotalem post Curatos incedant: Præterea Sacra rituum Congregatio die decima septima Novembris decidit, quod in Altari privati Oratorii non possit Missa celebrari in Natali Domini, Epiphania, primis diebus Paschatis & Pentecostes, Annuntiatione, etiam translato ejus festo, in Cæna Domini, et si tunc occurrat festum S. Joseph vel Annuntiationis, in Assumptione B. V. SS. Petri & Pauli, atque omnium Sanctorum.

§. XLV.

*Jesuitæ ex Gedanensi & Torruensi
Templis ejeci.**Laudorp.**lib. 12.**Thuan. hist.**lib. 136.**Luc. Hist.**Jesuit.**I. 4. c. 5.*

Jam decimus quartus effluxerat annus, ex quo Gedani, quod est Prussiæ Regalis seu Polonicæ clarissimum emporium, Societatis Patres quoddam Brigittani Ordinis Templum sibi vendicabant, ibidemque Sacris celebrandis, excipiendisque Confessionibus intendebant: additis etiam ad aurium oblectamenta Symphoniacis, musicisque instrumentis: cum vero hujus Monasterii patrocinium ad Urbis Consules pertineret, ab eis monebantur Patres, ut abstinerent; cum autem hi parere recusarent, urbis Magistratus auctoritatem

tatem suam interponens edito die vi-
gesima quinta Augusti decreto Jesuitis
denuntiabat, ut intra tridui spatum e
monasterio emigrant omnes, asportata
omni sua supellectile, secus si facerent,
Magistratus contra eos legum severitate
usurus esset. Æquale fatum non ta-
men eadem ex causa subiit Societas
Torruni Borussiæ Polonicæ urbe ad Vi-
stulam fluvium sita, Templis, ædificiis,
atque emporio clarissima; ibidem enim
Parochum inter & urbis Senatum ita
convenerat, ut jus Patronatus integrum
penes civitatem ejusque Consules esset,
Scholæ autem & Templi majoris ad
Sanctum Joannem, necnon Parochialis
domicilii cura soli Plebano relinquere-
tur: Progressu temporis Jesuitæ Lau-
rentii Gebickii Culmensis Episcopi fa-
vore adjuti, inconsultis tamen Senato-
ribus cum Parocho convenere, ut is
Vicarii titulo contentus esset, Patribus
vero Templi, & Scholæ administratio-
nem cederet, postea Parocho ex domo
sua ejecto duo introducebantur Jesuitæ,
unus pro Confessionibus, alter pro Con-
cionibus habendis: Reclamabat Sena-
tus, nullo tamen successu; quinimo
præter duos illos Jesuitas subinde alii
advenerant, qui obtento quodam Pri-
vilegio, Ecclesiæ, Scholæ & Parochia-
lis Domus possessionem sibi vendica-
bant,

H 4

Sec. XVII.
A. C. 1606.

Sæc. XVII. bant, auctoque indies eorum numero
 A. C. 1606. viduarum, & pupillorum ædes eme-
 bant, apertisque Scholis Collegium &
Juvenc. hist. rigebant, unde creberrimi per vicos &
Soc. lib. 14. plateas tumultus oriebantur, eorum
& 15. præcipue discipulis cives injuria & con-
 tumelia affidentibus. Senatus vero
 ne per conniventiam jure suo privare
 tur, die duodecima Octobris Parochio
 significari jussit, quod Ecclesiæ, domus
 & Scholæ administrationem recuperan-
 fatageret, Jesuitas vero, eoquod talia
 propria auctoritate moliri ausi essent,
 removeret, eosque domo & Ecclesiæ
 interdiceret. Reponente autem Parochio,
 quod rem ad Episcopum referre vellet,
 Senatus haud expectandum ratus Paro-
 chum pristinæ possessioni restituit, Je-
 fuitis vero denuntiavit, ut sponte Pa-
 rochiali domo cederent, atque a Tem-
 plo & Schola imposterum abstinerent.
 Hi vero Scholam quidem claudere &
 Collegio cedere promittunt, domum ta-
 men Parochiale, & Ecclesiasticum mi-
 nisterium peragendi facultatem sibi re-
 linqui postulant. Attamen Senatus de-
 creto claves Parochio reddere, & Scho-
 lae atque Ecclesiæ ministerio sese abdi-
 care coguntur. Adventante autem Re-
 gio Oratore unacum Culmensi Episcopo
 Jesuitæ hac opportunitate usi statim se-
 quenti die Confessiones excipere, ac
 die

die Dominica Conciones habere cæperant, quo comperto Senatus Episcopum
rogabat, ne post suum discessum Jesuitas eo loco relinqueret, secus hi pro-
priæ suæ culpæ imputent, si contume-
liose a civibus haberentur. Spreto hoc
Senatus monito Episcopus Jesuitas Re-
gio diplomate tutos esse respondit: Se-
natus tamen Regem sinistre edoctum
fuisse prætexens, literis publice affixis
declarabat, quod Regem melius edocere,
interim vero de jure suo nihil re-
mittere vellet. Igitur prævalente Se-
natū Jesuitæ Parochiali domo iterum
cedere compelluntur, sparsis contra eos
famosis libellis, in quibus de ambitio-
ne, avaritia, & aliena invadendi cu-
piditate perperam insimulabantur.

§. XLVI.

Tumultus in Polonia ob Religionis diversitatem suscitati.

Nec majori tranquillitate fruebatur *Hofpin. hist.*
ipsem Sigismundus III. Poloniæ *Jes. p. 197.*
Rex; cum enim Annam Austriacam du- *Lucius Hist.*
xisset, nonnulli Proceres veriti, ne quid
ex his nuptiis detrimenti caperet publi-
ca libertas, propter Austriacæ Domus
Jesuitis addictissimæ potentiam, serere
suspiciones & populum commovere cæ-
perant. His omnium primi sua nomina
H 5 dede-